

Seulu: avisu de serrada temporànea de sa bia



Su Comunu de Seulu, cun Ordinàntzia de su Setori Tènnicu n. 7 de su 30/05/2025, annùntziat sa serrada a su passàgiu de is veturas de sa bia Seulu/Biddanoa 'e Tulu, in su tretu chi movit de su campu sportivu Genn'e sa Luna e Localidadì Cussarea (ingruxada cun sa Casermetta)

de sa dia 3 de làmpadas 2025 fintzas a s'acabbada de is traballus.

In totu custa simana est pretzetau de non passai a totu is veturas e mezus de ònnia calidadi, de su lunis a su cenàbura in is oras intre is 8.00 e is 17.00. Su sàbudu e su domìnicu sa strada at a èssiri oberta, ma aici etotu bolit fata de manera atenta po chistionis de seguresa.

Is traballus sighint su progetu definitivu e esecutivu de arrangiadura straordinaria, aprobau cun deliberatzioni de su Cunsillu Comunali n. 9 de s'08 de martzu de su 2023, e ddus gestit sa dita Ecotekna srl, chi at a tènniri incuru de pònniri totu sa sinnaletica chi abbisòngiat.

Po calisiat duda o po tènniri scedas, si podit castiai s'albu pretòriu de su Comunu o sighiri sa pàgina Facebook.